

Abrabo Ne Aseňka Adesua Nhoma Nhwehwemtu

DECEMBER 3-9

BIBLE MU AKORADE | ASOMAFO NNWUMA 9-11

Tweetwee Bible Mu

nwtsty Aso 10:6 ho adesua asem

nhomahyefo bi a ɔde Simon: Obi ye nhomahyefo a, na ɔye mmoa nhoma ho adwuma. Ná ɔde akado gu nsu mu de yi yi nwi anaa nam ne srade biara a ɛwɔ nhoma no ho. Eno akyi no, na ɔde nsā a ano ye den hye nhoma no na ama watumi de aye nneema bi te se, bag, mpaboa ne nneema afoforo. Se ɔreye aboa nhoma no ho adwuma a, na ɛbɔn pa ara, enti na ohia nsu pii. Ebeyε se eno nti na na Simon te **mpoano** wɔ Yopa kurotia no. Wɔn a na wɔye mmoa afunu ho adwuma no, na Mose Mmara no ka se wɔn ho ntew. (Le 5:2; 11:39) Wei nti, na Yudafo dodow no ara bu nhomahyefo animtiaa, na na wɔmpre se wɔne wɔn bɔterea mpo. Talmud no kaa no akyiri yi mpo se, obi a oyi tiafi mpo wɔ anuonyam sen obi a ɔhye nhoma. Nanso Petro anye nyiyim, efise wamma adwuma a Simon ye no ansiw no kwan se ɔbekɔ akɔsoe no. Senea Petro nyaa adwempa wɔ saa asem yi mu no, na εye pa ara. Efise na ɛrenkye koraa na wɔde adwuma bi ahye ne nsa. Ná saa adwuma no behia se ɔkɔ Amanaman muni bi fie. Hela asemfua *byr-seus'* a ɔkyere "nhomahyefo" no, abenfo bi mpo kyere se εye din a na wɔde fré Simon.

DECEMBER 10-16

BIBLE MU AKORADE | ASOMAFO NNWUMA 12-14

Tweetwee Bible Mu

nwtsty Aso 13:9 ho adesua nsem

Saul, a wɔsan fré no Paulo: Efi saa asem yi so rekɔ no, wofii ase frēe Saul se Paulo. Wɔwoo ɔsomafo Paulo se Hebrini, nanso na ɔwɔ hokwan se Roma man ba. (Aso 22:27, 28; Flp 3:5) Enti εbe-

ye se efi ne mmofraase no, na wɔde Hebri din Saul ne Roma din Paulo nyinaa fré no. Ná εnye nwonwa se obi a ɔye Yudani, titiriw nea ɔnte Israel kurow no mu no benya din mmienu. (Aso 12:12; 13:1) Ná Paulo abusuafu bi mpo wɔ Romafo anaa Helafo din. (Ro 16:7, 21) Ná Paulo ye "ɔsomafo ankasa ma amanaman no," efise na wɔahye no se ɔnka asempa no nkyerε wɔn a wɔnye Yudafo. (Ro 11:13) Ebeyε se ɔyeε n'adwene se ɔde ne Roma din no bεye adwuma, efise na osusuw se εno pa ara na nkurofo ani begye ho. (Aso 9:15; Ga 2:7, 8) Ebinom kyere se Sergio Paulo nti na Saul faa saa Roma din no senea εbeεye a ɔde bεheyε amrado no anuonyam. Nanso, εbeεye se na εnye saa na asem no te, efise bere a Paulo fii Kipro mpo no, na ɔda so ara de din no ye adwuma. Ebinom susuw se na Paulo mpe se ɔde ne Hebri din no bεye adwuma, efise senea na wɔbɔ din no wɔ Hela mu no, na εne Hela asemfua bi a ɔkyere onipa (anaa aboa) a ɔnan-tew kyeakyea ne ho di nse.

Paulo: Edin Pau'los a efi Latin asemfua *Paulus* mu no kyere "Kakra anaa Ketewa." Kristofo Hela Kyerewnsəm no mu no, wɔde din yi fré ɔsomafo Paulo mpe 157, na wɔde fré Sergio Paulo a na ɔye amrado wɔ Kipro no nso penkoro.—Aso 13:7.

DECEMBER 17-23

BIBLE MU AKORADE | ASOMAFO NNWUMA 15-16

Tweetwee Bible Mu

nwtsty Aso 16:37 ho adesua asem

yeε Romafo: Kyere se Roma man mma. Ná Paulo ye Roma man ba, na εbeεye se na Silas nso ye Roma man ba. Ná Roma mmara kyere se, se ɔman ba bi nya asem a, εse se wodi n'asem wɔ ɔkwampa so, na εnse se wɔtwe n'aso wɔ baguam bere a wommuu no fɔ. Ná obi ye Roma man ba a, baabiara a ɔbekɔ wɔ ahemman no mu no, na ɔwɔ hokwan ahorow bi. Ná ɔnhyε nkurow a na Roma man no di so no mu biara mmara ase, gye Roma

mmara nkutoo. Wābō no kwaadu a, na obetumi apene so ama wāadi n'asem wā baabi a wā no, nanso se ope a, na obetumi aka se ope se wodi n'asem wā Roma asennibea. Eba se əkoye bōne bi na wobetumi abu no kumfā a, na obetumi de asem no akōdan amrado no. Osomafo Paulo kaa asempa no kō akyiri wā Roma Ahemman no nyinnaa mu. Kyerewtohō ahorow wā hō a əkyere se osomafo Paulo de hokwan a na wā se Roma man ba no yee adwuma mprensa. Nea edi kan ne nea ewā kyerewnsem yi mu a ekō so wā Filipi no. Īka kyere Filipo asennifo no se wāciatia n'ahofadi so se wāhwee no.

DECEMBER 24-30

BIBLE MU AKORADE | ASOMAFO NNWUMA 17-18

"Suasua Senea Osomafo Paulo Kaa Asem No Na Əkyerəkyerə No"

nwtsty Aso 17:2, 3 ho adesua nsəm

susuw: Paulo anka asempa no ankyere wān keke. Əkyerəkyerə mu, na ofii **Kyerewnsəm no mu** de adanse mae. Nā n'adanse no gyina Heibri Kyerewnsəm a wōde honhom akyerew no so. Wankenkan Kyerewnsəm no keke, mmom ogyinaa so ne wān susuw nsəm ho. Afei əhwəs senea n'atiego nsəm te ho ne wān susuw nsəm ho. Hela adeye asem *di-a-le'go-mai* no, wāakyere ase "sé wo ne obi bēbō nkōmmō anaa wo ne obi besusuw biribi ho." Adwene a ewā akyi ne se, wo ne nkurōfo bedi nkītaho. Wōasan de Hela asemfa yi adi dwuma wā Aso 17:17; 18:4, 19; 19:8, 9; 20:7, 9.

adanse ahorow: Nea Hela asemfa yi kyere pa ara ne se "wode biribi bēto biribi ho anaa wode bēto biribi nkyen." Wei betumi akyere se, Paulo tōcō ne bo ase de Mesia no ho nkōmhye a ewā Heibri Kyerewnsəm no mu no totoo nneemaa a esisii wā Yesu asetenam no ho. Īnam wei so kyere se nkōmhye ahorow no baam wā Yesu so.

nwtsty Aso 17:17 ho adesua asem

gua so: Nā Atene aguadibe (Hela mu no, wōfre no a-go-ra') no da Acropolis atifi atœ, na na ne

kese bēye se eka 12 (hēkta 5). Nā enye gua nkōara na wodi wā hō. Mmom, biribiara a efa kurow no sikasem, amanyōsem ne wān amammerē ho no, aguadibe a na na ekō so. Esiane se na kurow no mufo no sore a ehō ara na wōte nti, na Atenefo no ani gye ho se wobehyiam wā hō asu-wu nsəm a əkyere adwene ho.

nwtsty Aso 17:22, 23 ho adesua asem

Eye Onyame Bi a Wonnim No Dea: Nā afremuka bi wā Atene a wāakyerew nsəm bi agu ho, na na Hela nsəmfua *A-gno'stoi the-o'* ka ho. Esiane se na Atenefo no suro anyame ahorow nti, wosisii asoredan ne afremuka pii maa wān. Nā wāwā Ahōoden nyame, Edin a Obi Begye nyame, ne Nkuranhye nyame. Afei, su ahorow bi te se ahobrease ne mmɔborɔhunu mpo, na wāwā ho anyame, na na wāayeyə afremuka ama wān. Esiane se na wosuro se ebia wān were befi onyame bi na ama saa nyame no bo afuw wān nti, wāyee afremuka bi too din se "eye Onyame Bi a Wonnim No Dea." Saa afremuka no di adanse se na nkurōfo no gye tom se Onyankopōn bi wā hō a wonnim ne ho hwē. Paulo faa nyansakwan so kaa afremuka yi ho asem de danee n'atiego no adwene kō nokware Nyankopōn a saa bere no na wonnim no no so.

Tweetwee Bible Mu

nwtsty Aso 18:21 ho adesua asem

Sé Yehowa pē a: Saa asem yi si so dua se, biribiara a yεyε anaa ntotoe biara a yεreyε no, εse se yεhwε se εne Onyankopōn apede hyia anaa. Osomafo Paulo maa saa asem yi tenaa n'adwenem pa ara. (1Ko 4:19; 16:7; Heb 6:3) Osuani Yakobo nso hyεyε ne nuanom nkuran se, εyε a wānka se: "Sé Yehowa pē a, yebenya nkwa na yεayε sεs anaa sεs." (Yak 4:15) Nanso εnse se saa asem no yε biribi a yεka no yεn ano keke, mmom obiara a ofi ne komam ka "sé Yehowa pē a" no, εse se əbō mmōden yε nea Yehowa pē. Eho nhia se bere nyinaa yεka asem yi ma epue yεn ano, mmom mpren pii no, yεka no wā yεn komam.